



# Самур

№ 2 (237) 2011-йисан 19-февраль

1992-йисан январдилак аьатзава

## ЦИЙИВИЛЕР

### ТУРИЗМДИН ЙИС

Азербайжан Республикадин Президент Илгьам Алиева 2011-йис туризмдин йис хьиз малумардай серенжемдиз кьул чугуна. И серенжемди уьлкведин кьадим гьумбетар, халкьдин тарих ва меденият мадни хьсандиз теблигь авуниз кьумек гуда. Министррин Кабинетди са вацран кьене «Туризмдин йис» тIвар алаз теббиррин план гьазурна Президентдив вугана кIанзава.

### ЧЕХИ МЯРЕКАТ

Алай йисан шолдиз Бакуда вири дубньядин азербайжанвийрин III съезд кьиле фида. И мярекатдиз дубньядин чара-чара уьлквейра яшамши жезвай азербайжанвийрин диаспорайрин векилриз, гьакIни кьечепатан гьукуматрин тIвар-ван авай сиясатчийриз, алимриз теклифда. Мярекатдал II съезддилак кьулухь кьиле тухванвай крарин гьакьиндай малумат гуда ва цIийи везифайрикай веревирдер ийида.

### КАРДИК КУТУНА

Са шумуд югь инлай вилик «Меденият» тIвар ганвай цIийи телеканал кардик кутуна. И каналди гьар юкьуз сятдин 12-далай йифен сятдин 2-далди ара датIана кIвалахда. Каналдихь авсиятда кьиле тухвай конкурсада Az TV гьалиб хьана. ЦIийи телеканал патал гьар жуьредин кьулай шартIар яратмишнава.

### ЦИЙИ КЫЛЕЛАЙ КХЫДА

Милли Межлисдин депутат, Азербайжандин Милли Илимрин Академиядин Тарихдин Институтдин директор Яьуб Магьмудова малумат гайивал, институтди Азербайжандин тарихдин 3 жислд чандиз гьазурзава. Ада лугьузвайвал, Азербайжандин тарих цIийи кьилелай кхьизва.

### МАД СА ФАКУЛЬТЕТ

Бакудин Гьукуматдин Университетди мад са факультет кардик кутада. Экология – БГУ-дин 17-факультет я. Ам кардик кутан патал геьенидиз гьазурвилер акунва. ЦIийи факультетди экологиядин рекьяй кадряр гьазурдай мумкинвал гуда. Республикадин маса вузра кьилди ихьтин факультет авач.

### БАГЬАВИЛЕР АЛУКЪЗАВА

Эхиримжи вахтара дубньядин вири уьлквейра недай-хьвадай затIар багьа жезва. Тек са техил ваь, салан магьсулар, майваяр, агьаран, як ва маса затIарни багьа хьанва. Кьитвилин вилик пад кьун патал хуьруьн майишатдин чара-чара хилер, иллаки хьуси майишат вилик тухунин кардик кьетIендиз фикир гана кIанзава.

### АСТЕРОИД АВАТДА

Урусатдин алимри малумат гайивал, 2036-йисан 13-апрелдиз дубньяда миллионралди инсанар телеф хьун мумкин я. И кардиз сятда 37 агьзур километр йигинвилелди гьерекатзавай астероид себеб жседа. «Aporhis» лугьудаи астероиддин яргивал 274 метр я. Космосда амаз ракетдив ягьана пад тавуртIа, ада чилел Чехи бедбахтвал гьида.

# И ЧИЛ ХАЙИ ДИГЕ Я!



## ЛЕЗГИ ИНТЕРНЕТ РАДИО

Хайи чIалал рикI алай лезги жегьилрин мад са карди вири шадарна. Алай йисан 1 - февралдиз виртуалдин эфирдиз лезги чIалалди гунуг акьатна. Ам арадиз гьайиди Казандин Гьукуматдин Университетдин студент Руслан Гьидаятов ва адан

дуст Мурад я. И гунуг сифте яз 1 - февралдиз [www.lezgi-fm.narod.ru](http://www.lezgi-fm.narod.ru) сайтинай эфирдиз акьудай жегьилар лезгийрин рейсавили гьейранарна. Гунуг эфирдиз акьатуникай хабар кьур 1500 кас сайтиниз гьахьнай, 700 касди адахь яб акалнай.

14 - февралдалди интернет радиодай анжах лезги манияр гана. Гуьгьунлай ина лезги чIалалди дубньядин хабарризни чка чара авуна. Гунуг медениятдинни чирвилерин гунугдиз элкьуьрун фикирда кьунвай лезги кьегьалриз гьар пуд сятдилак садра дубньядин хабарар лезги чIалалди яб акалдайбурув агакьариз кIанзава.

## ПАГЪ ЯДА!..

Алай йисан 10 – февралдиз газетрин чинриз Студентар Кьабулунай Гьукуматдин Комиссиядин ихьтин са малумат акьатна: уьлкведин кеферпатан районрин юкьван мектебра чирвилерин ери агьуз аватнава, гьавилай шаз Шабрандин, Сиязандин, Кьобустандин, Кьубадин, КцIарин ва Хачмазин са кьадар мектебрай са аялдивайни республикадин университетрик экечIиз хьанвач. Кьубадин 27, КцIарин 15 мектебдин агьуз гьалар кьилди кьейд авунва.

Вучиз икI хьанватIа? Са береда кеферпатан районрин юкьван мектебри вири республикадиз чешне кьалурзавайди тир. Ингье и йикьара са бязи экспертри гуьгьуьна амукуьнин себеб кьалурнава: миграция. Гуя и районрин мектебар акьалтIарай жегьилар кIелун давамарун паталди Дагьустандиз ва Урусатдин чара-чара вилайатриз физва кьван. Гьар йисуз кеферпатан районрай вишералди жегьилар кьечепатан уьлквейриз физвайди авай гаф я жал?

## ЭХЬ!..

И йикьара «Финанс» журналди Урусатдин олигархрикай гайи малуматрив геькигайтIа, лезги олигарх Сулейман Керимова и уьлкведин виридалайни девлетлу ксарин арада ирид лагьай чка кьазва. Эхиримжи йисара са шумуд машгьур олигарх гуьгьуьна тунвай адахь 14,5 миллиард доллар кьван девлет авайди кьалурнава. Садбуру виликай кьезмай кьве йисан кьене лезги миллиардер пуд лагьай чкадал хкаж жеда лугьузва. Эх!..

Шаз Сулейман Керимов Михаил Фридман ва Олег Дерипаска хьтин олигархрилай алатна. Журналди кхьизвайвал, лезги олигарх вичин девлет 17 миллиард доллардив агакьзавай, исятда пуд лагьай чкадал алай Абрамовичав агакьиз тIимил ама.